

## **Oqaluuserisassanut nassuiaat**

(Inatsisartut Siulittaasuat)

Immikkoortoq 92 ulloq 26. novemberimut kinguartinneqarpoq.

Immikkoortoq tassaavoq: Angallatit nuannaariutit pillugit aammalu angallatinut nuannaariutitut tamanut isumannaallisaanermut ajunaalernermullu atortoqarnissamut piumasaaqateqalernissaq pillugu imaani isumannaallisaaneq pillugu apeqquteqaat aallaavigalugu oqallinnissamut siunnersuut.

Immikkoortoq 137-ip aappassaaneerneqarnissaa ulloq 28. novemberimut kinguartinneqarpoq.

Immikkoortoq 137: Kingusinnerpaamik UKA 2019-mi Majoriaq pillugu naliliinermik saqqummiusseqqullugit Naalakkersuisut peqquneqarnissaanik Inatsisartut aalajangiif-figisassaattut siunnersuut. Naliliinermi nassuiarneqassaaq innuttaasut ilinniniarnis-saannut sulilernissaannullu piareersaasarnissaminut Majoriap siunertani qanoq naam-massitigisimaneraa. Naliliinermut ilanngullugu aamma maannamut misilittakkat tun-ngavigalugit pitsanngorsaaniisanut sipaarutissanullu siunnersuutit ilannguteqqune-qarput.

Immikkoortoq 141-ip aappassaaneerneqarnissaa ulloq 26. novemberimut kinguar-tinneqarpoq.

Immikkoortoq 141: Nuummi illut minillugit Illunik aningaasalersuisarnerup, niue-ruteqarnerup attartortitsisarnerullu unammilleqatigiinnermik tunngaveqarnerulernis-saat pillugu 2020-mi Upernaakkut ataatsimiinnissamut najukkani assigiinngitsuni illut suuneri najoqqutaralugit periarfissat pillugit nalunaarusioqqullugit Naalak-kersuisut peqquneqarnissaanik Inatsisartut aalajangiiffigisassaattut siunnersuut. Nalunaarusiami aamma ineriartorneq tamanna siuarsarumallugu periarfissaasinnaasut pingaarnersiorlugit allaasereqquneqarput

**Ilaasortat uku akornanni taasisarnerit pillugit isumaqatigiissuteqartoqarpoq:**

Tillie Martinussen, Suleqatigiissitsisut aamma Aleqa Hammond, Nunatta Qitornai